

علوم اقتصادی و اجتماعی

مجموعه علم

در آیت برنجی کونی لیسراولنور

مؤسسه

احمد شعیب، رضا نوید، محمد جبار

موضوعات

رویه : احمد شعیب . - استقرائش مقاوله نامہ لری . - اصول
مسکوکات عثمانیہ : ابن الحنفی لعلی . - زراعت استانیستیک لری
نسل بایبلور : جمال . - حکومت و حراثت حلقہ سہ سرک
فلسفہ : رضا نوید . - اخلاق کیر : احمد شعیب . - بودجه
حقنک تاریخی : دارالعلوم مظاہرین زہدی . -

مدیر و صاحب امتیازی :

محمد جبار

اسطغی : ۱۰ غروش

استانیول

امور اداره و تحریر : طابک مطبعہ سی

۱۳۲۵

زراعت استاتستیکلری فصل یاییلر

فرانسه ده

ممالک متمدنه نك اكثرينسده ، برى بش ، اون سنه كى اوزونجه قاحلهلى بر دوره ايله ديكرى هر سنه اولق اوزره ايكي درلو زراعت استاتستكلرى ياپيلير . سنه لك استاتستكلرده يالكز اراضى مزروعه ايله مقدار حاصلات نظر اعتباره الديلينى حالد اوزون دوره لى استاتستكلرده بالعموم اراضينك صورت استعمال وانتفاعى ، اعمالات زراعيه نك نوع وماهيتى ، زراعتك سير و تمايلات عموميه سى كوزده ديلير . حيوانات حقتده دهها درين تفرعاه واريلير . يعنى عادتاً يكيدين بر تحرير زراعى ياپيلير . فرانسه ده بو ايكي نوع استاتستيق موجوددر .

اون سنه لك استاتستكلر

فرانسه ده زراعت استاتستكلرينك تنظيمه تشبث ايدلمسى نك اسكيدر : استاتستيق تسميه سندن زياده تحرير زراعى ديمك اولان بومعاملاته دهها شارلمان زماننده باشلامش ايسده قرون وسطاده هيچ بر اثر ترقى وقوعه كله مامشدر .

زراعته متعلق اساسلى استاتستكلرك تنظيمى ايچون اون التجبى عصر بردرجه يه قدر مبدأ عدايديله ييلير . برنجى فرانسوا ۱۵۳۹ ده ، بلديه لرجه تجاره مراجعتله ذخيره موجودينك و ذخيره فيئاتنك هر هفته نشر ايدلمسى امر ايتمش و ۱۵۷۲ ده طقوزنجى شارل دخى هر هفته محصولاتك درجه سى حقتده راپورلر تنظيم ايتدرمكه تشبث ايلش ايدى مع مافيه بو قرارلرك هيچ برى تعقيب واجرا اولنه مامشدر .

قولبر تعقيب ايتكمده اولدينى سياست اقتصاديه توفيقاً زراعت

معلق اموری ده احتوا ایتمک اوزره ۱۷۰۰ سنه سنده فرانسه ده عمومی بر استاتستیک تنظیمی امر ایتمشدی . فقط نتیجه سنه ایریشه مدی . بویابده ۱۸ نجی عصرده وقوعه کلان تشبثات ده موققیته نتیجه لئه مدی چونکه الله تخمیندن باشقه استناد ایدیله جک براساس یوقدی قونسولات دورنده تأسس ایدن اداره ، احصائیات زراعیه ایچون عمومی برپلان ترتیب ایدرک مزروعاتک صورت توزعی ، حیواناتک عددی ، مصارف زراعیه (یعنی تخم بدلی ، حصاد مصرفی ، ویرکولر ، اجارات) اراضینک ، چقجیلرک و عائله لرینک مصارف اداره سی حقننه والیردن معلومات طوبیلامغه باشلادی . هنوز قاداتسترو موجود اولدینی و اراضی مزروعه مقداری ایسه انجق بوسایه ده صورت صحیحه ده الله ایدیله بیله جکی جهته بویلان اوزمان ایچون پک شمولی و ناقابل اجرا برشکلده ایدی . والیرک ویردیکي جوابلر بستیون کیفی بر تخمینه مستبد اولدیغندن بو تشبثندنده اساسی بر نتیجه چیقما دی .

بونلردن صکره ، ینه نتیجه یه اقتران ایده میان اوچ تشبث وارد : بونلردن برنجیسی ۱۸۱۰ سنه سنده ناپولیون طرفندن وقوعه کلدی . ناپولیون بتون والیرده برتحریرات عمومیه کوندردرک ۳۴ سوال صورمش وایکی آی ظرفنده جواب ویرمز لر سه عزل ایده جکنی بیلدرمشدی . ایکنجی تشبث ۱۸۱۴ ده در بونده رقم درجه مخصوص جدوللر یرینه ، ایضاحات یازیله جق دفترلر کوندردمشدی . فقط بودفتلردن بر خلاصه چیقارمق ممکن اوله مدیغندن ایرتمی سنه ینه محصولاتک مقداری رقمه صورلغه باشلادی . النان بتون جوابلر کیفی تخمیندن ایلرویه کچه مدی . چونکه استناد ایتدیکي ارقام دقتله طوبیلامش شیلر دکلدی .

موقع بموقع تدقیق ایدیلهرک پروغرام دائره سنده بر استاتستیک تنظیمنه ۱۸۳۶ سنه سنده تشبث ایدلمشدر . سنه مذکوره تموزنده ایالات ریسلرینه برتحریرات عمومیه کوندریلهرک ۱۸۴۰ سنه سی ایچون ایجاب

ایدن ارقامی حاضرملری تبلیغ ایدلش و بو بابد تحقیب ایدم جگه ری اصولده تشریح اولمش ایدی . اقسام اراضی اعتباریه ۱۸۰۸ سنه سنده تنظیمه باشلانیلان قادیسترو بوصردده هنوز ختامه ایرمه مش ایسمده ا کمال ایدیلان یرلرده اراضینک مساحه سی ا کلامق ایچون بونلرک بیوک یاردمی اولدی . بو سفرکی اک بیوک تجدد استانتقلرک قومونلر اوزرینه طوبلانسی اولمشدر . قانتونلر ، ارون دیسمان و دیپارتمانلر عائد ارقام قومونلر عائد ارقامک یگونندن چیقارلمشدر . معامله تحریر ناحیه مدیرلری طرفدن یا نش و ولایت طرفدن بونلر ایجابی قدر معاونده تعین ایدلمشدر . بومعاونلر بالواسطه تکالیف مدیری ، تحصیل مأموری ، اورمان مأموری کی مأمورین حکومتدن انتخاب اولمشدی . بوندن باشقه قانتون واروندیسمان تحریر معامله سی قشیش ایچون ایریجه قومیسونلر تشکیل اولندی کی ناحیه لرک جدوللری تدقیق و ایجابنه کورد تصحیح و تعدیل ایتک اوزره ایالت مرکزنده بر مرکز قومیسونی تشکیل قلمش ایدی . جدوللرده کی ارقامک تجریدی اداره مرکزیه جه یانلمشدر .

۱۸۴۰ تحریرندن صکره یایلان ۱۸۵۲ تحریرنده ناحیه نرده قومیسونلر تشکیل ایدلش و بو قومیسونلر لزومی قدر شعبه لره آیرلمشدر . ۱۸۵۲ تاریخی قرارنامه بوقومیسونلره ایکی نوع وظیفه تحمیل ایدیوردی : (۱) قانتون داخلنده زراعته تخصیص ایدیلان اراضیدن هر برینک مقداریه مقدار خصلاتی حتمده سنه لک تحریر (۲) قانتونک باجمله حالات زراعیه سی و اقتصاد زراعیه متعلق بالی باشی حادثاتی غایت واسع بر اصوله توفیقاً ضبط و قید ایتک صورتیه اون سنه ده بر یاپیله جق تحریر . ۱۸۵۲ پروغرامی اساس اعتباریه ۱۸۶۲ پروغرامندن فرقه اولدینی کی ینه ۱۸۵۲ قرارنامه سی ۱۸۴۰ و ۱۸۸۲ و ۱۸۹۲ سنه لرده یایلان اون سنه لک تحریرلرده مرعی قالمشدر . ۱۸۷۲ ده فرانسه - المانیا محاربه سندن طولانی تحریر یاپیله مامشدی .

بو تحریرلرک ائیمکلی ۱۸۹۲ تحریریدر. بوده قانتون قومیسونلری طرفندن اجرا ایدلشد. تحریرک اجرا سندن مقدم زراعت نظارتی تعقیب اولنه جق اصول حقنده والیرله وقومیسونلره متعدد محررات عمومیہ وایضاحامه لر کوندردی. اراضی، مزروعه نك وسعتی ا کلامق ایچون بالواسطه تکالیف مدیرلریله تحصیلات مأمورلری قومیسونلره معاونتله مکلف طوتلشدی. تعقیب اولنان پروغرامده کی سؤاللرک عددی (۱۲۵۳) مقدارینه بانغ اولیوردی.

بوسؤاللرک جوابی حاوی جدول وراپورلر زراعت نظارتنده طوبالاندی بوندن باشقه نظارت طرفندن ده پارتمان زراعت معلملرینه برتحریرات عمومیہ کوندریله رک بری بیوک و دیگرلری اورتہ و اوچنچیسکی کوچک بر اعمالات زراعیہ حقنده راپورلر طلب اولندیغی کچی حقیقچی قلمیاسنی مصور اولق اوزره برده توصیفنامه ایستلیدی بوسورتله نظارتہ التمش سکر راپور ورود ایتدی. بونلرک اکییلاری نظارتک زساله رسمیہ سیله نشر ایدلدی ۱۸۹۲ تحریرینک نتایج عمومیہ سی ایسه ۳۶۵ صحیفه لک بر اثر حالده ۱۸۹۷ سنه سنده نشر ایدیله ییلدی.

بو اثر مزروعات و حیثیت حیواناتی و اقتصاد زراعی حقنده اوچ مبجئی احتوا ایدر. مزروعات بختنده شونوعلر کوزوکیور: (۱) حیوانات [بغدای، چاودار، ارپه، قزلجه، یولاف، مصر، داری] (۲) حیواناتدن ماعدا مزروعات غذائیہ [فصولیه، بقاله، نخود، مرجک] (۳) جذورات [پتاس، هاوج، شالغ، طوب، لخنه] (۴) چایرلر (۵) نباتات زیتیه و صناعیه و نسجیه (۶) اشجار مشمره (۷) باغچوانلق (۸) فدانلق و سازلق (۹) نطس (۱۰) کروم (۱۱) اورمانلر (۱۲) اراضی غیر مزروعہ.

حیوانات حقده ویریلان ایضاحات زرع اولنان اراضی، حاصل اولان دانه و صمان، بونلرک فیثاتی، برهکتولیترنک فیثات متوسطه سی،

بهر هکتار دن النان حاصلات ، بهر هکتاره آبیان تخمک وسطی در
ایکنجی و اوچنجی و دردنجی قلملر حقنده مجموع حاصلات ، اراضی
مزروعه ، فیثات محصول ، بهر هکتار دن النان حاصلات ، بهر هکتاره
آبیان تخم کوسترلشدر .

دردنجی قلم حقنده بونلره تخصیص اولنان اراضی ایله حاصلات غیر
صافیسی ، باغلردهده مقدار اتساع ، حاصلات عمومیه ، قیمت ، بهر
هکتولتره شرابک فیثاتی بعض معلومات تجاریه محرردر . اورمانلر
حقنده بونلرک جهت عائدیتی ، صورت اعمالات و اراضی غیر مزروعهده
دخی فوندهلق ، قیالقی ، طاعلق ، بطاقلق ، توریهیر ، سطوح مائییه
تفریق ایدلشدر .

حیوانات بحثده بالخاصه حیوانات فرسیه ، بقریه ، غنیمه ایله جنوار
حقنده اطرافلی تدقیقات موجوددر . بو حیوانلردن هر برینک ثقلت
وسطیسی و قیمتی و اوسنه ظرفنده ذبح اولنان حیواناتک مقدار و قیمتی
یازدینی کی چقتلکلرده یکیدن دوغان و ذبح اولنان ، غائب و خسته لقله تلف
اولنلرک مقداریده مندرجدر . ذکر اولنان درت صنف حیوانات حقنده
پک زیاده اعتبا اولنوب بونلردن هر بری یاشرینه کوره برقاچ صنفه
آیرلش و ادخالات و اخراجات حقنده دخی مقایسه لر پالیشدر .

محصولات حیوانیه کلهجه ؛ بوراده ابتدات صرفیاتی ذکر
ایدلشدر . بونک مقداری ذبح اولنان حیوانات ایله ذبح ایدلک اوزره
ادخال اولناللرک عددندن و برده بیطر معاینه منأمورلرینک — معاینه
لحوم قانونی موجبجه — تنظیم ایندکلری جدوللردن آلمشدر . فرانسهده
استپلائایدیلان حیوانات اتلرینک نوعی ، یاشی ، مجموعی ، قیمت عمومیهسی
حقنده ایلک باییلان استاتستیک ۱۸۹۲ استاتستیکدر . ایپک بوجکلری
حاصلاتیده بو فضلدهدر .

۱۸۹۲ قحصات زراعیه سنک اوچنجی مبحثی ، اراضینک ، متصرفلری

وبرده اعمالات اعتباریه اولان تقیساتی احتوا ایدر . بو خصوصده اراضی متصرفلری ، تحت تصرفلرینده کی اراضینک وسعته کوره تحریر ایدلیوب یالکز متصرفلرک عددی اعتبارله ضبط اولمشدر . اعمالات اعتباریه اولان تقیاتده بر دفعه اراضینک وسعتی ، ثانیاً صورت استعمالی کوزه دلدی برهکتاردن اشاعی اعمالاته (پک کوچک) ، برهکتارله بش هکتار اراسنده کنه (کوچک) ، اون هکتارله قرق هکتار ارسنده کنه (متوسط) و قرق هکتاردن فضاهنه (جمیم اعمالات) اطلاق ایدیلرک درت صنف اوزرینه ایرلشدر . صورت اعمالاته کلنجه بوده بالذات ویا بالواسطه زراعت قسملرینه آیرلش و ایکنجی سی ایجار واورتاقلق اولق اوزره ایکی به تفریق ایدلشدر . فرانسه استاتستیکلری اراضینک نه مقدارینک اورتاقلق و نه قدرینک ایجارله قوللانلدیغی کوسترمیوب یالکز اشخاصک عددی اعتباریه کوسترییور .

بو استاتستقده نفوسک مقداری ، اعمالات رئیسی ، کونده لیکجی صنعتیه نظر دقته الیدیغی کجی اراضینک فیثات جاریه سی ، عمله نك اجورات متوسطه سی ، الات زراعیه و بخار ماکنه لری حتنده ده معلومات موجوددر . بناء علیه ۱۸۹۲ تحریری فرانسه نك اقتصاد زراعی نقطه نظرندن ده الک مکمل تحریری عدایدیله بیلیر .

سنه لک استاتستقلر

فرانسه ده زراعت نظارتنک تاریخ تشکلی اولان ۱۸۸۱ سنه سندنبری — کتدیکه توسیع ایدلک اوزره — هر سنه زراعت استاتستیکلی یالتهده در . بوکون فرانسه نك سنه لک زراعی استاتستیکلری ممالک سائر ده کیلرک کافه سندن ده ایضاحلی ، ده اطرافیلدر .

۱۹۰۲ سنه سنده اجرا اولان اصلاحاته قدر زراعت نظارتی هر سنه والیر واسطه سیله ناحیه مدیرلرینه برر سؤال ورقه لری کوندریوردی

مدیر لر بو ورفه یی دولدره زق والیه اعاده ایدر لر و اوراده خصوصی جدولره املا اولنوردی . بعده عمومی حقه مرکز نظارتجه براساتستیق یاییلوردی بوندن بشقه محصولاتک مقدار تخفی حقهده بعض مواسمهده راپورلرده نشر ایدیلوردی .

طوبلانیلان بومعلومات منابع مختلفه دن اندیغدن ارده لرنده کبستر نکدر اکسک اولدینی کبی زراعت نظارتک طوبلادینی معلومات ایله مهمات عسکریه قومیسونلرینک حربیه نظارتنه کوندر دکبری معلومات ارده سنده ده کلی فرق ظهور ایتکده ایدی . بوندن طولای مأذلرک توحید و تألیفه تشبث ایدیلرک ناحیه لرده استاتیق قومیسونلری تأسیس ایدلدی . ۱۹۰۰ و ۱۹۰۱ سنه لرنده کی تجاربه نظرأ معلومات اولیه نک استحصالی ایچون منبع اولمامسندن و قومیسونلرک صورت غیر مطرده ده اجماعندن و عملیات احصائیه ایچون متظم بر اصول موجود اولمامسندن طولای طولای بوقومیسونلردن انتظار اولتان ثمرات حاصل اوله مدی . بونک اوزرینه زراعت نظارتنده Office de renseignement دینلان بر استخبارات زراعی قلمی تأسیس اولندی .

بوقلمک ایکی شعبه سی اولوب بری یالکیز استاتستقه دیکری امور فیه ایله مشغولدر . بوقلمک تأسیسندن مقصد « عالم زراعی ایچون اک موثوق واک صحیح معلومات جمعی و استحصالات ملیه واجنیه و مراکز استهلاکیه ، فیثات داخلیه و خارجیه ، مصارف نقلیه حقهده تام و صحیح معلومات الموق و زراعت مایه نک منافعه خادام اوله جق معلوماتی نشر ایتکدر . »

فرانسه ده الیوم سنه لک زراعت استاتستقری — مذکور قلمک تأسیس ایدلدیکی سنه نشر ایدیلان — ۱۹۰۲ تعلیماتنه و بونی مؤید اولان تعرفیه تطبیقاً طوبلانیلر . برسنه ایچنده کی احصائیات زراعیده اوچه آریلیر ؛ (۱) سنه ده

بر نشر ایدیلان استاتستقلر (۲) موقوف و غیر موقوف استاتستقلر (۳) اقتصاد زراعی به متعلق تفحصات . زراعت استاتستقلریله اشتغال ایدن مرجعلرده علی الدرجات شونلردر : (۱) نواحی قومیسونلری (۲) قاتون قومیسونلری (۳) متصرفلر و زراعت معلملری (۴) والیلر وده پارتمان زراعت معلملری (۵) زراعت نظارتنده کی (استخبارات زراعیه) قلمی (۶) احصائیات زراعیه استشاره مجلسی (۷) استخبارات زراعیه شتابلری .

هر ناحیه ده ناحیه مدیرینک ریاستی التده بلدییه اعضالرندن بری و محلی چفتچیلرندن ۳ — ۵ کشیدن مرکب بر قومیسون طویلانیلر .

قاتون قومیسونلری اعضای طبیعی اوله زق مدیر ، صلح حاکمی ، و دیگر مأموریندن و اعضای نتیجه اوله برق ۳ — ۷ چفتچیدن مرکبدر . صنایع زراعیه اولان قاتونلرده صنایع مذکوره اربابی ده قومیسونه داخل اولور . قومیسونک رئیسینی والی تعیین ایدر . ارون دیسمان وده پارتمان قومیسونلری ده بوکامشایدر .

استخبارات زراعیه قلمی نواحیدن طویلانان جدوللرده کی ارقامی تنظیم و ترتیب ایتمکله مکلفدر . یعنی اصل زراعت استاتستقلری بوراده یاییلیر .

احصائیات زراعیه استشاره مجلسی ناظرله اکابر مأموریندن و برده مالیه و نافعہ نظارتلری طرفندن منتخب ذواتدن و استاتستیق متخصصلرندن مرکب اولوب تفحصات زراعیه ک نتایج عمومیه سی حقیقه بیان مظالعه و زراعت نظارتی طرفندن احصائیات زراعیه ایچون ترتیب اولنان سؤاللری تدقیق و اتخاذ اولنان اصولک تغییر و تبدیلی ایجاب ایدرسه و یا باشقه معلومات صورلمسسه لزوم کوسترسه شکلی واسباب موجهه سی تعیین ایلر .

زراعت استاتستقلرینک تنظیمنه اشتراک ایدنلر — زراعت معلملری

مستأ اولمق اوزره صورت فخریه ده ایفای وظیفه ایدرلر . یالکز بونلره
زراعت نظارتی طرفندن تقدیرنامه ، وبروز وکوشدن معمول مدالیه لر
ویریلور .

معلومات استانیقیه نك نه صورتله طویلاندیغنه کلنجه :

هر ناحیه ده مزروعات مختلفه یه تخصیص اولنان اراضینک مقداریه
حاصلات نسیه لری نه کوستر بر مزروعات دفتری طوتولور . بودفتر
تنظیمی و تدقیقی ناحیه قومیسو نلری نه عأددر . بودفترک شکلی زراعت
نظارتی طرفندن تعیین اولنوب ۱۹۰۲ سنه سندبری زراعت استانتقاری
بودفترلر اوزریته تنظیم ایدلکده در بودفتر قومیسونک دوسیه سنده
محفوظ اولوب هیچ کسه هیچ برسیبله بونی اوقویه مری . مزروعاتدن
هر بریتنه تخصیص ایدیلان اراضینک مقدارینی قومیسونک تره دن آله جغه
تعلیمات نامه ده ایضاحات یوقدر بوندن طولانی هر یرده آیری اصول تعقیب
اولنور . باشلیجه اختیار ایدیلان اصول شودر : هر ناحیه ده زراعتله
مشغول اولان نفوسک اسامیسنی حاوی برلیسته ترتیب اولنه رق هر برینک
صره سنه کرک متصرف کرک مستأجر صفتیه ایشلندیکی اراضینک مقداری
یازیلیر . بو خصوصده قاداسترو ، املاک و اراضی ویرکوسی قیودینه
وسأرته مه مراجعت اولنور . بولیسته نك تنظیمندن صوکره ابتدا دوغرودن
دوغرویه علاقهدار اولانلردن معلومات صوریلیر . بو خصوصده یاتارلا
بکجیلری واسطه سیله شفاهاً و یا خود کوچک بوصله لرله تحریراً معلومات
طلب ایدیلیر . اندن صوکره بالذات قومیسون طرفندن اراضینک
صورت توزعی حقنده معلومات طویلاندیغنی کی منایع مختلفه دن التان
ارقامده قیود سألر ایله و یا بالذات اجرا اولنه جق قتیشتات ایله
قونترول ایدیلیر .

قومونجه بو وجهله ختامه ایرن استانتقار قاتنونه ورود ایدنجه
قانون قومیسونی اعضاسندن موضوع بحث اولان ناحیه حقنده الک

زیاده معلوماتی اولان اعضایه حواله ایدیلهرک یکیدن تفتیش ایتدیریلور .
 بو اعضا ایجابی حالنده قومون قومیسونه مراجعتله ارقام مندرجه
 حقنده ایضاحات طلب ایده بیلیر . بوتفتیشات بیتدکن صوکره قانتون
 رئیسجدوللری یازراعت معلمنه ویاخود استخبارات زراعیه مخبرلرندن
 برینه حواله ایدرک قانتونه تأید عمومی زراعت استاتستیقی ترتیب ایتدیرر .
 نتایج مستحصله زراعت مأمورلرینک طومغه مجبور اولدینی قانتون
 زراعت دفترینه قید اولنور . بو معاملات کانون ثانینک یکریمینه قدر
 ختام بولور . بوتاریخده دده پارتمانه ارسال اولنور . بوراجهده تفتیشدن
 وده پارتمانه یکونلرک تشکیندن صکره بالجمله اوراق مارتک برینه قدر
 دوغریدن دوغرویه زراعت نظارتنده کی استخبارات اداره سینه
 کوندریلیر .

استخبارات اداره سی جدوللرده کی ارقامی تجرید و ترتیب ایدهرک
 دده پارتمان اوزرینه مرتب اولان استاتستیکلرینی جلد جلد نشر ایدر .
 سنه ک استاتستیکلردن ماعدا موقوف و غیر موقوف اوله رق تنظیم
 ایدیلان استاتستیکلردن مقصد اتیلان تخملا ره مزروعاتک درجه سی
 و حصا دک مقدار مخمنی حقنده بی دربی معلومات طویلا مقدر . اشبو
 موقوف ویا غیر موقوف راپورلرک تنظیمی وظیفه سی برچوق زمانلر
 زراعت معلملرینه محول قالدی . ۱۹۰۲ تعدیلاتی اوزرینه ناحیه قومیسو-
 نلری ده بو وظیفه یه شریک ایدلدیکی کی مخبرلرده تدارک ایدیلهرک بونلردن
 بک چوق استفاده اولتمقده در .

۱ کیلان تخم حقنده کانون ثانی مایس و حزیران ابتدالرنده اولق اوزره
 اوچ دفعه مرکره معلومات ویریلور . کانون ثانی راپورنده صوکره بهارده
 اکیلان تخملا رک درجه سیله قیش خساراتی وایلک بهار تخملا ری ذکر
 ایدلدیکی کی حزیران راپورنده ده جوابندن ماعدا اولان جذورات
 زرعیائی بیان اولنور . بوندن ماعدا هر آیک ایلک کونی محصولاتک

درجہ سی حقنہ دہ مرکزہ برراپور کوندریلور . حصا ددن صکرہ الثان
 حاصلات دہ درت ورقہ ایلم مرکزہ بیلدیریلیر . بونلردن برنجیسندہ
 قیش ویا ز بغدادی وچاودار محصولری بیلدیرلدیکی کبی احتیاطاً اراضینک
 وسعتی دہ درج اولنور . ایکنجی ورقہ دہ ارپہ ویولاف و مصر حقنہ
 اوچنجیسندہ پتاس ، یرالماسی ، پانجار حقنہ ؛ دردنجیسندہ
 شراب و سیدرا حقنہ معلومات موجوددر . بوورقہ لک کائہ سی نشرین
 ثانی ابتداسندن یعنی سنہ لک استانتیقارک مرکزہ وصولدن اول زراعت
 نظارتی استخبارات قلبنہ کوندریلور . بوراپورلک نتایجی نظارتک
 رسی جریدہ سیلہ نشر اولنور .

اورمان و معادن وزراعت استانتیق مدیری

۱ شباط ۳۲۵

جمانی

